



## Publicaziuns dalla vischnaunca, jamna 31

### Damonda da baghegiar

**2014-1037.000**

**Datum dalla publicaziun: 31 da fendadur 2014**

**Il patrun:** Monika Wieland-Jacob Hauptstrasse 14A, 7402 Panaduz

**Il representant:** Monika Wieland-Jacob Hauptstrasse 14A, 7402 Panaduz

**Object:** Construcziun d'ina finiastra nova (tegia da vacanzas), parcella 3054, Tschuppina, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 24 da fenadur 2014

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

**Nr. 2014 – 1027.000**

Regula Desax Kröger, Hintere Davidstrasse 10, 9000 St. Gallen; sanaziun dalla casa, parcella 734, Via Suls Orts 6, 7180 Disentis/Mustér.

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2014 – 2071.000**

Cunproprietaris parcella 1304, Via Acletta 13, 7180 Disentis/Mustér; remplazzar las finiastras, sanar e prolungir la seiv per liung dalla Via Plauns, parcella 1304, Via Acletta 13, 7180 Disentis/Mustér.

**Nr. 2014 – 2072.000**

Dietmar e Karin Albrecht, Via Latis 2, 7180 Disentis/Mustér; cumpletar il stabiliment solar entras dus ulteriurs collecturs, parcella 578, Via Latis 2, 7180 Disentis/Mustér.

Encunter quellas decisziuns san ins protestar a scret enteifer 20 dis dapi la publicaziun alla supras-tonza communal.

*Uffeci da baghegiar Disentis/Mustér*



### **Avertura dalla Via Pardomat**

Duront las vacanzas da menaschi vegn la Via Pardomat denter la Punt Russein e Madernal *aviarta naven digl 1. d'uoost entochen e cun ils 17 d'uoost 2014*. Naven dils 18 d'uoost 2014 ei la Via Pardomat danovamein serrada per tut il traffic entochen ils 3 d'october 2014.

*Uffeci da baghegiar Disentis/Mustér  
Suprastonza communal*

---

### **Prescripiuns pertuccont igl encurir bulius**

La Regenza dil cantun Grischun ha decretau restricziuns en connex cun igl encurir bulius. Ei setracta en special dil suandont:

- Egl interval digl 1. entochen e cun il 10avel di da mintga meins eis ei scumandau d'encurir bulius;
- Il quantum maximal ch'ins astga rimnar per persuna e per di da tuttas specias da bulius munta a 2 kg;
- Vandalissem da bulius ei scumandau;
- Il diever d'utensils da mintga spezia per rimnar bulius ei scumandaus;
- Rimnar bulius en gruppas da pli che treis persunas, cun excepziun da famiglias, ei buca lubiu.

Nus supplichein la populaziun da respectar quellas disposiziuns ed engraziein per la capientscha.

*Suprastonza communal*

---

### **Fiasta digl 1. d'uoost a Mustér**

La fiasta d'igl 1. d'uoost 2014 ha liug uonn sil plaz avon la casa communal, en cass da malaura en halla Cons. La fiasta entscheiva allas 18.00 e cuoza entochen allas 24.00. Ei vegn purschiu tratgas preparadas da commembers da Gastro Mustér/Medel sco era specialitads digl gril. Plinavon dat ei musica da divertiment cun il duo Desertina ed ina producziun dils Sunatibas Posta biala da Sumvitg. Il menaschi d'ustria vegn organisaus dall'uniun da costumes da Mustér.

Ruedi Lustenberger, president dil cussegl naziunal, salva il plaid festiv.

Sco usitau dat ei in til da lampiuns pils affons (lampiuns vegnan mess a disposiziun gratuitamein) ed in fiug bengal. Per dar ina speciala tempr a nossa fiasta naziunala fuss ei bi, sch'igl entir vitg vegness embellius cun bandieras e lampiuns.

Nus selegrein d'astgar beneventar Vus alla fiasta naziunala.

*Vischnaunca da Mustér*

---

### **Fiasta digl 1. d'uoost a Mustér (vias)**

Venderdis, igl 1. d'uoost 2014 festivein nus la fiasta digl 1. d'uoost sil plaz avon casa communal. Per quei intent vegnan la Via Cons e la Via da Scola serradas naven dallas 15.00 entochen allas 1.00 per scadin traffic.

La Via Cons ei serrada sil tschancun naven dalla cruschada Via Lucmagn entochen sin l'altezia Halla Cons, la Via da Scola sil tschancun naven dalla cruschada Via Lucmagn entochen sin l'altezia dalla Casa Hirundella. La fermada dallas vias vegn signalisada.

Per la capientscha engraziein nus grondamein allas vischinas ed als vischins pertuccai.

*Uffeci da baghegiar Disentis/Mustér*



### **1.-August-Feier in Disentis**

Die 1.-August-Feier findet dieses Jahr auf dem Platz vor dem Gemeinde-haus statt, bei schlechtem Wetter in der Halle Cons. Die Feier beginnt um 18.00 Uhr und dauert bis 24.00 Uhr. Die Festwirtschaft bietet verschiedene Spezialitäten an, welche von Mitgliedern der Gastro Disentis/Medel zubereitet werden sowie Feines vom Grill. Ferner gibt es musikalische Unterhaltung mit dem Duo Desertina und eine Aufführung der Alphorngruppe Sunatibas Posta biala von Sumvitg.

Die Festrede wird von Ruedi Lustenberger, Nationalratspräsident, gehalten.

Wie üblich gibt es auch dieses Jahr einen Lampionumzug für Kinder (Lampions werden gratis abgegeben) und ein Feuerwerk.

Um unserem Nationalfeiertag eine spezielle Note zu verleihen, würden wir es begrüßen, wenn das ganze Dorf geschmückt bzw. beflaggt würde.

Wir freuen uns, Sie an unserer Feier begrüßen zu dürfen.

*Gemeinde Disentis/Mustér*

---

### **Di naziunal svizzer da schubergiar (Clean-up-Day 2014)**

#### **Appel allas uniuns**

Il 12 e 13 da settember 2014 ha liug il di naziunal svizzer da schubergiar Clean-up-Day. En l'entira Svizra vegn cun engaschi da scolars e students, uniuns e voluntaris schubergiau e rimnau rumien.

A Mustér han las scolaras ed ils scolars dallas scolas dalla vischnaunca surpriu quella incarica ed han previu lur acciun per venderdis, il 12 da settember. Las uniuns da sport, mo era ulteriuras uniuns ein envidadas ad in'acciun da schubergiar ch'ei fixada sin sonda, il 13 da settember 2014. L'acciun dalla sonda ei previda naven dallas 8.00 entochen ca. allas 12.00. Als participonts dalla sonda vegn purschiu sigl areal dalla serenera a Raveras ina purschida dil gril sco era in sitg. Uniuns obtegnan ina mudesta contribuziun pauschala. Uniuns ch'ei interessadas da separticipar all'acciun Clean-up-Day 2014 ein supplicadas da s'annunziar entochen il 20 d'uost 2014 tier igl uffeci da baghegiar (baghegiar@disentis.ch) ni tier l'administraziun communal (admin@disentis.ch).

Per sclariment stattan genau Roger Tuor ni il menader digl uffeci da baghegiar bugen a Vossa disposiziun. Il 13 da settember 2014 vegn dau caschun alla populaziun da prender envesta dalla piazza da recicladi a Raveras. Il detagls vegnan publicai pli tard.

Nus selegrein da Vossa participaziun ed engrazien a tuts ed a tuttas per lur engaschi a favur nossa biala natira e nossa patria.

*Gruppa da lavur  
Clean-up-Day Mustér 2014*

---

### **Pumpiers Sursassiala – Incorporaziun 2015**

Persunas che giavischan da prestar survetsch activ da pumpiers san s'annunziar entochen il 15 d'uost 2014 al Comando da pumpiers, Via Salez 11, 7186 Segnasn (info@pumpiers.ch). Ulteriuras persunas tenor indicaziun dall'administraziun communal vegnan contactadas directamein a scret.

*Pumpiers Sursassiala*



### **Clom d'urgenza 118**

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*

---

### **Orgel- und Chorkonzert in der Marienkirche und Klosterkirche Disentis**

**Donnerstag, 7. August 2014, 20.30 Uhr.**

Joseph Rösli spielt auf den drei Klosterorgeln –Marienorgel, Chororgel, Hauptorgel – Werke von Joh. Pachelbel und Jh. S. Bach.

Der Chor der 14. Disentiser Klosterwoche bringt die Kantate «Ora et labora – 1400 Jahre Kloster Disentis» für gemischten Chor, Querflöte, Violine und Orgel von Joseph Rösli (\*1935) zur Uraufführung.

Leitung: Joseph Rösli

Freier Eintritt – Kollekte zur Deckung der Unkosten

Herzliche Einladung Kloster Disentis  
*P. Urban Affentranger*

---

### **Radunonza generala dils possessurs da dretgs e pursanavels dallas alps Russein-Cavrein.**

Mardis, ils 5 d'uost allas 20.15 ell'ustria «Fravia» a Disla.

Cordialmein envida  
*la suprastonza*

---

### **Messa alpestra en l'alp Russein**

Dumengia, ils 10 d'uost 2014, naven dallas 11.00 uustria sil plaz, allas 13.00 survetsch divin (per quei di drov'ei negina lubientscha per carrar en la val).

Cordialmein envidan  
*ils pursanavels dall'alp Russein-Cavrein*